



Në konferencën për shtyp të zv/kryeministrit Ilir Meta pas [publikimit të videos së Priftit](#) , Meta deklaroi se ishte i gatshëm të linte imunitetin për ti hapur rrugën hetimeve.

Pyetjes se gazetarëve nëse do të jepte dorëheqjen Meta u përgjigj se do ta jepte atë në 28 Qershor 2013.

Edvin Rama dhe veglat e tij sapo dëgjuan këto fjalë menjëherë pikturuan një kalendar të vitit 2013 dhe me rryshfete arritën të futeshin në zyrën e zv/kryeministrit Meta.

Kalendari i manipuluar nga dora e Piktorit u vendos në tryezën e tij dhe data që binte në sy ishte 28 qershor 2013.

Sot si cdo dite pune [zv/kryeministri Meta](#) u paraqit në punë në orën 8 pa cerek dhe sapo u ul në tryezë i vajtën sytë tek kalendari.

Kur pa se data ishte 28 Qershori 2013, u kujtua për premtimin që i kishte bërë popullit.

“Përmbusha cdo premtim dhe nuk është në moralin tim ti bëj bisht fjalës time” mendoi Meta

Menjëherë nxorri [defterin e tij personal](#) nga xhepi dhe shkëputi prej tij një fije letër.



Pa i bërë syri tërr Meta shkroi se jepte dorëheqjen e parevokueshme sic e pati premtuar dhe falenderonte kryeministrin Berisha për bashkëpunimin.

Thirri sekretaren dhe i la porosi që kjo letër gjallë apo vdekur duhet ti shkonte [kryeministrit Berisha](#) dhe të bënte kujdes tëmos i binte në dorë armikut Edvin Rama.

Pas kësaj ish-zv/kryeministri doli nga zyra, u përshëndet me stafin dhe u nis në këmbë drejt ish-bllokut. Rrugës bleu një gazetë që kishte njoftime pune dhe me të në dorë është parë të futej në shtëpinë e tij.